

度

支

奏

議

度支奏議卷之十三

太子少保戶部尚書淄青畢自嚴視草

續查公用銀兩以助邊餉疏

題爲續查公用銀兩以助邊餉急需事案查崇禎

元年八月初五日准吏部咨奉

上傳各衙門一應銀兩盡行清查搜括助餉欽此該
臣部查將廊庫存積節省公費銀一千五百兩
及各關差解助

大工銀四千五百兩因工完寄部堪以充餉連前公

費共計銀六千兩於本年八月二十八日具題
今於崇禎三年二月二十二日奉

聖旨這該部奏進銀兩還着再行續查一併解助軍
餉欽此該臣等查得邊餉盈詘責在臣部乃至以
匱乏之故重煩

皇上宵旰之憂仰戴

天恩且感且愧况前項銀兩無論公費助工絲毫皆
公家物也臣前所題助餉銀兩雖

明綸未卽沛發而臣等亦安敢不以

公家之物還爲

公家用哉業於崇禎元年九月二十一日給關外
委官傅尚謙解發寧遠兵餉銀六千兩外加添
兌銀四十六兩二錢行矣嗣是但有贏餘輒行
簡派又於崇禎二年正月二十二日給昌平委
官李繼宗解發該鎮年例銀四千兩外加添兌
銀二十八兩二錢又於本年閏四月二十九日
給大同委官閆應奎顧承爵解發該鎮年例銀
二千兩建於本年十一月十二月虜倣戒嚴又批

委司務鄧承簡動支廊庫各役工食銀一千九百二十一兩三錢併犯人金有華變產寄庫銀一千兩湊發各處援兵鹽菜之用已經造冊

奏繳訖而此外置辦口袋熟食併給發腳價等銀一百二十七兩七錢二分七釐之數不與焉以

上六項共計銀一萬五千一百二十三兩四錢二分七釐除前次題過銀六千兩外又陸續搜銀九千一百二十三兩四錢二分七釐應用祇緣前疏未下嗣後未敢竄陳兼值戎馬倥偬臣

子惟求自盡而今奉有再行續查一併解助軍餉之

旨則從前犬馬微忱又不得不披瀝於

聖明之前矣臣又查得廊庫續積公用見在約一千餘兩還官寄庫等銀見在約一千七百兩但公用不能槩行蠲裁而寄庫或多成色不登搜括打算公用銀僅得八百寄庫銀僅得一千二百聊用助餉稍爲補綴則臣等之可得而自效者耳恭候

命下臣部查發太倉庫爲援兵鹽菜之需雖細流無裨滄海而滄海原不擇細流也再照臣部雖爲錢穀出納之地而此須公費原不隸於正項總計各鈔關邊儲等差扣省錢鈔及餘剩葛稽等銀每年不過萬金上下零星解部在臣等卽程薪數米不致分耗浪用而亦有不能卒省之處如堂司之修理及寫本紙張筆墨飯食併禮部炭價本部暨戶科各役工食其支用之數亦頗利當臣等削針頭之鐵與尺水之波始獲積出

前數分湊軍糈尚不足供邊援各士馬一飽之
貲而回視夙儲已不啻絕流而漁矣近因纂修
賦役全書出賃科院公署給發書算工食俱取
給於此項費用漸夥竊恐過此以往其盈詘之
數政未可逆計也真是憂

國有心理餉無術統惟

聖明垂察臣等無任悚息待

命之至

崇禎三年二月三十日具

題三月初三日奉

聖旨這搜助銀兩已用過的知道了續搜的着太倉
庫照數查收欽此

題覆閣部速給關寧兵餉疏

題爲賊兵五日繞城我兵五日合戰奮勇大獲奇捷事本月二十七日准兵部咨該閣部孫承宗題前事等因奉

聖旨覽奏建昌連戰大捷斬獲甚多各將領勇奮可嘉具見卿指投鼓舞這功級并撫寧前鋒將士卽與覈敘速給兵餉已有屢旨着戶部詳開發過數目并現到何處明白具奏該部知道欽此本日又

蒙

御前發下督餉御史沈猶龍題爲關險足恃關兵可
惜乞

勅急計關餉以防他變事奉

聖旨據奏關兵須餉情形急切可念已發的着嚴督
差官星速前去餘仍酌量遠近預行措發務期接
濟事關軍機不得泄泄致令延悞責有攸歸該部
知道欽此欽遵具覆間本月二十九日又准兵部
咨該兵部題爲部發糧餉有名無實乞

勅嚴究解官以濟軍興事奉

聖旨關門兵餉屢諭速給如何至今未到其發過數目及現到何處已有旨着該部詳開卽嚴查經管官押解員役立刻具奏仍星速續運併一面差人督催前解抵關毋再延諉致悞軍機該部知道欽此欽遵移咨到部該臣等看得奴孽披猖道路梗塞不得已而轉餉於海運臣竊鯁鯁憂之誠謂其視陸運有難易遲速之不同也關寧缺餉臣部差關寧委官陳諫黃文秀等於本月初四日允發河間鹽課銀八萬兩徑至天津下船又

本月初一日差關寧委官朱大成蕭登瀛等押
運

帑金三萬兩復移會天津部院并餉道張志芳星
速轉運仍允發鹽課銀四萬兩作爲運價復於
二十一日接閣部孫承宗手書知銀尚未到臣
不勝憂惶遂差本部當該段登高守催又於二
十四日發銀九萬兩差關寧委官陳國相郭重
詔押運二十八日發銀五萬兩差本部委官韓
惟忠胡守訓押解復恐運價不足再發銀一萬

五千兩附委官梁廷棟領解訖至二十七日木
部差役津回據餉道張志芳餉司樊維翰呈稱
頭次運到鹽課銀八萬兩

帑金三萬兩并兵部差司官解到

皇賞二萬兩又已裝發過關內米豆二十六萬石俱
出大沽海口候風又裝在船關外米十四萬石
一併齊發津部又差寧遠水營副將張斌良津
門總運遊擊張允昌押運至關交卸等情又據
差役稟稱督餉部院二十四日祭河過清明後

刻期開洋夫臣部先二次發一十一萬兩是又
到天津之銀也後二次發十四萬按日計之是
現到天津與在途之銀也是錄海運者共計二
十五萬矣前聞租大壽入援臣因關外糧餉又
缺卽發銀四萬兩馳送今以虜近開平尚貯薊
州未動又發馬世龍月餉銀三萬五千兩總皆
關寧之額餉也隨到隨發不敢延遲至於海運
之行止總候風息之順逆倘海若効靈萬艚齊
發旦夕可抵關門臣聞

上傳又差委官李養治飛赴天津查催前運於某日
某時起行

奏報以慰

聖懷果有怠玩者指名叅處必不敢寬假者也又奉
上傳令從陸路發運臣因與閣臣樞臣商議復解銀
五萬兩顯差原任遊擊孫應龍加銜守備趙重
光從陸路運至薊州俱聽總督總理設法轉運
開寧以濟危急但狡虜出沒不常兼以叛民勾
引塞我道路繇薊州以至開平昌黎等處在在

可虞今或多僱頭留間道夜行或揀選親兵分
投携齎驍將健丁護送借行務令計出萬全此
則臣部所爲藉手以逭於戾者也伏乞

勅下總督總理各調撥兵將相機轉餉務保無虞以
資撻伐并

勅天津部院督催水路開洋刻期飛輓庶水陸並進
而緩急有濟矣既各具題并咨會前來相應覆
請恭候

命下臣部移文各該衙門遵奉施行

崇禎三年二月三十日具

題三月初一日奉

聖旨這現發餉銀委官押解到薊着總督及總理設
法護送速給關兵毋得延悞已前津運的着卽償
發抵關取結回奏欽此

議停城守軍丁口糧鹽菜料草疏

題爲議停軍興糧料以節儲糈事崇禎三年二月初六日准總提協戎政軍門襄城伯李守鉞等手本前事內稱自去歲十一月虜薄

都城京管官兵盡派列營防護內外城堞把守二十二門貴部議給軍馬每日本折銀糧至正月內夷賊漸遁爵等因念

國費浩繁議將防守各軍平分二班以爲節省錢糧之意近日又聞庫廩不繼爵等再三籌畫今

三大營開操業將城上遊兵敵臺戰兵四枝列
營標兵二枝并城下聽調選鋒撤入營操每日
糧料自難支領擬將守垛軍兵鹽菜口糧槩止
第念各軍雖係三日一更實乃晝夜枕戈露宿
防護爲艱合將鹽菜銀兩照舊三日一給以充
日費之資其口糧本色之米似宜停免少示節
省於萬一也但查城外施糶二則將之兵平分
一班念其在外辛勤鹽菜口糧仍舊給發其城
上守垛并守門各軍口糧自二月初一日爲始

一槩停止每日鹽菜銀照近議例三日一發及
查各營馬匹料草折銀十一月十二月既有五
日一給之本折兩月之銀亦當免造今自正月
初一日爲始照例按月印冊關領其五日所支
自應開除所有酌定糧料本折錢糧相應移會
等因到部又准總督勇士四衛營太監曹化淳
手本爲移會分守應撤官勇旗軍日支口糧鹽
菜事內稱本監統屬官軍題奉

欽依分派信地共計一萬二千七百五十四員名正

月十一日該本監奉

旨除在本監常川聽遣探報緩急教師一百名不更
番外其餘分班三日更番在城防守者造支口
糧鹽菜下班休息者不造至二月初三日大軍
下教場開操教演管陣練習火攻除防守

永定等門坐營都司海時行等九百三十九員名
及防守

安定等門坐營都司李尚仁等五百四十三員名
俱三日一更替在城防守未撤及在監常川聽

差一百名俱自二月初一日分班五十名聽差
五十名進操鹽菜俱隨班更番造支其餘坐營
中軍千把總官勇士一萬一千二百二十二員
名業已撤入營操向來日支口糧鹽菜相應截
日住支仍希回照等因到部查得各項軍兵領
過錢糧除自軍興給發數目起止日期已經臣
等節次逐項臚列開塵

御覽不敢再贅外所有續發過京營城守官軍并門
軍巡軍及勇士四衛官軍各口糧鹽菜及馬匹

草料等項正月已終相應具奏備查三大營城
守官軍九萬八千一百九十四員名內班軍四
千名每名日給鹽菜銀二分五釐其餘俱給三
分每名日給米折銀二分馬一萬四千四百四
十七匹每匹日給料草折銀四分自十二月二
十八日起至正月初二日止共米折銀九千八
百一十九兩鹽菜銀一萬四千六百二十九兩
一錢于太倉銀庫給發訖草料折銀二千八百
八十九兩四錢于新餉銀庫給發訖又正月初

三日起至初十日止每名日給口糧米二升班
軍每名日給鹽菜銀二分其餘俱給二分五釐
馬每匹日給草料折銀三分五釐共米一萬五
千七百一十一石四升鹽菜銀一萬九千四百
七十八兩八錢草料折銀四千四十五兩一錢
六分于太倉銀庫給發訖又正月十一日更番
起至三十日止口糧鹽菜減半支給共米一萬
九千六百三十八石八斗鹽菜銀二萬四千三
百四十八兩五錢於新餉銀庫給發訖又十一

日起至三十日止月支料草銀七千一百三十
六兩八錢五分三釐三毫於太倉銀庫給發訖
巡捕官軍共計一萬一千四百七十二員名每
名日給米二升鹽菜銀二分自十二月十八日
起至三十日止共口糧米二千九百八十二石
七斗二升鹽菜銀二千九百八十二兩七錢二
分馬三千一十六匹每匹日給草料折銀三分
找發十一月二十八日起至十二月十七日止
料草銀一千八百九兩六錢俱于太倉銀庫給

發訖又自正月初一日更番起至三十日止口糧鹽菜減半支給共該口糧米三千四百四十一石六斗鹽菜銀三千四十一兩六錢于太倉銀庫給發尚有料草折銀一千一百六十兩六錢四分未經給發

正陽等十六門門軍共計六千三百六十四名每名日給口糧二升鹽菜銀二分自正月初八日更番起至三十日止口糧鹽菜減半支給共口糧米一千四百六十三石七斗二升鹽菜銀一

千四百六十三兩七錢二分於太倉銀庫給發
訖勇士四衛管官軍一萬二千七百五十二員
名每名日給口糧米二升鹽菜銀二分自正月
初八日起至初十日止共口糧米七百六十五
石一斗二升鹽菜銀七百六十五兩一錢二分
於太倉銀庫給發訖又十一日更番起至三十
日止官軍一萬二千八百六十三員名口糧鹽
菜減半支給共口糧米二千五百七十二石六
斗鹽菜銀二千五百七十二兩六錢於太倉銀

庫給發訖此續發各軍鹽糧馬匹草料之數也
臣伏而思之各項軍士之苦涉冬歷春已浹百
日餐霜臥雪何啻萬辛卽於尋常月糧之外加
給些須於以廣

皇恩而壯敵愾夫何敢靳惟念此等錢糧散之各軍
者日月而領之不過升斗分文耳輸之臣部者
銖銖而積之則成十百萬千矣曩當虜騎薄城
口糧鹽菜料草等項各從優厚鼓舞宜然今戎
馬漸退而春日載陽值此中外告匱臣等仰屋

持籌日求一樽節之方而不可得所幸內外總
提協臣李守綺等慮切時艱念同緯恤憐臣部
之急而分別城守酌量裒益抑何其曲體軍心
而勤思

國計也諸所節省良屬不資臣部實拜厥賜謹如
議備列

上請除副將施洪謨袁信所領城外二班官軍鹽菜
口糧仍舊給發外其遊防軍丁已撤入操并門
軍巡軍聽其自食月糧加給口糧鹽菜自二月

初一日爲始一槩停止惟守塚軍丁念其防護之苦雖停口糧而鹽菜銀仍三日一發馬匹料草十一十二月領過五日一給本折酌議開除十一十二月應支例銀其正月初一日起至初十日止料草亦如之而印冊關領合自正月十一日爲始卽應開除五日一給之本折若夫巡軍料草併當比照此例一體銷算者也暨於勇士四衛營除防守

未定安定等門官勇共一千四百八十二員名及

在監常川聽差教師一百名鹽菜口糧俱更番
造支外其餘官勇一萬一千二百二十二員名
撤入營操口糧鹽菜合如該監議比照京營官
軍例亦於二月初一日截日住支於以見

宮府之一體而樽節有同心也蓋當軍興孔棘之時
投醪挾纊固

聖明浩蕩之恩波值庫藏如洗之秋節浮省費亦臣
子急公之分義因時盈縮取自

上裁臣等未敢擅便既各移會前來相應覆

請恭候

命下臣部移文各該衙門遵奉施行

崇禎三年二月三十日具

題三月初三日奉

聖旨知道了依議行欽此

恭報轉運京薊凍糧疏

題爲恭報轉運京薊凍糧事本年二月初九日恭

接

御前發下總督倉場尚書孫居相題前事等因奉

聖旨這運過糧數甚少還着上緊僱運薊州三河自

正月十四至二月初一時日已久如何運米止五

千餘石該鎮邑是否足用姬文郁有無怠玩該部

查明具奏欽此欽遵該臣等遵卽行文天津都院

餉司并薊州餉司三河縣及劄姬文郁查報去

後今據津部糧鳳麟咨據文郁呈稱職於正月十九日辭

朝二十日出城馳至河西務接見前部崔爾進委職管運漕米查以前河西務陸運自正月十四日起至二十四日止係餉道張志芳同餉司樊維城運過薊州三河米三千二百五石職自正月二十五日接管起至二月初一日止運過薊州三河米三千二百五十五石五斗職因見在接管以故一并呈報又自初二日至初七日續

運過薊州三河米三千六百六十石以上
運過米六千九百一十五石五斗
所有雇覓車輛皆從二三百里外催來
職無一吏役徒步隻身唱籌量米親目
書算未敢一刻怠玩等因到部院爲照
薊運之艱難在創始更苦於無車輛
姬主事奉

命雖在正月十四而造冊交代辭

朝啓行迨至抵關任事已二十五矣
以初設之官當創始之局雇車轉運
徒步督催其苦其難更

倍於昔况自正月二十五日至二月初七日計
已運過六千九百餘石至於天津水運薊米二
萬石已於二月初二日開行該司道又復差役
守催想此時可抵交卸似不虞於缺乏等因咨
覆到部又據通州西倉員外郎路來賀呈稱二
月十五日給發過三河粟米五百石又據薊州
餉司何朝宗呈稱通州坐糧廳自正月十一日
起至二月十九日止運到米一萬三千四百八
十七石三斗天津陸運餉司自正月二十一

起至二月十九日止運到米九千六百二十八石六斗五升料豆二千三百六十八石五斗通州它運廳自正月十一日起至二月初五日止運到料豆二百四十石草八千三百一十束密雲縣運到料豆一千一百一十四石五斗寶坻縣運到料豆二千一百二十石平谷縣運到料豆二千石懷柔縣運到料豆二百石又於二月二十九日據陸運餉司姬文郁冊報自二月初八日至二十五日又續運過薊州三河米九千

七百七十九百五斗取獲實收見在三十日又
據薊州餉司何朝宗呈稱據天津運糧守備婁
志遠押運漕米一萬五千石見泊狗兒窩地方
職詢本官知彼處徑有水路可通豐玉既就便
派運玉田三千石運豐潤轉運三屯三千石開
平三千石餘六千石運留豐潤應用及轉運別
處支用至於料豆草束見在給銀就近買運其
馬蘭石門見在陸續起運務各足二千餘之數
職若此支吾可使在在儲蓄以敷軍用各等因

到部該臣等看得狡虜內訌兵馬雲屯薊門三
河均屬要地集主客數萬之衆供億於二百里
外當茲風鶴驚殘之後輪蹄不能咄嗟立辦設
有專官誠難之也姬文郁以新設之官當創始
之事聞其徒步唱籌夙夜督催餉部念其獨力
難支責令水運其六陸運其四及查運過米數
自正月十四日起至二月二十五日止除水運
米二萬石內已到狗兒窩一萬五千石見在派
運豐玉三屯開平各處外陸運米據薊鎮餉司

所報已收過三萬三千九十四石五斗除放過
五千四百二十四石外見存米一萬七千六百
九十餘石又收過料豆八千四十餘石草八千
三百餘束是米之運薊者儘自足用而三河收
過米一千餘石亦不爲少况其轉運者正源源
不絕也今

聖明聰焉東顧一則曰該鎮是否足用一則曰姬文
郁有無怠玩

王言一布在三軍有接膠挾纒之感在文郁有雷霆

震悚之恐矣復查本官銜

命受事實在正月二十五日越五日而運米三十餘石二月內又運過米一萬三千四百餘石爲數頗多其急公拮据職分應爾而創始艱難情尤可原萬不敢怠玩自取罪戾伏望

聖明矜宥而非臣部所敢擅便者也近聞奴虜列營豐玉之間扼我餉道乘機搶掠芻糗轉輸雖不至齎盜而車夫頭畜有被其害者實可寒心夫甲士荷戈固不敢望其身親轉餉或遣健卒接

應防禦似亦無難顧乃秦越視之漫不相關又
臣所不解也既經咨會并各呈報前來相應覆
請恭候

命下臣部移文各該衙門遵奉施行

崇禎三年三月初三日具

題本月初五日奉

聖旨姬文郁受事未久轉餉不乏亦見勤勞護運兵
丁尚無專遣豈免疎虞前議設輜重營着該督撫
酌量便宜具奏欽此

叅永平餉司陳此心陷虜奔回疏

題爲餉司陷虜奔回法應議處謹據聞糾叅以聽
聖裁事昨奴賊之初破永平也臣部理餉郎中陳此
心駐劄本城或死或逃不知下落臣未敢遽以
入

告頃據薊州領餉委官傳言本官攜帶家眷已至豐
潤地方臣一聞之不勝駭異夫永平之潰一時
官民俱皆從虜以自陷於腥羶犬羊之羣否則
死於鋒鏑劒戟之下何本官之獨全且并其家

屬而脫然倖免也此必本官甘爲屈節又爲詭言以騙奴遂得離其虎口又或奴故縱之使歸令我殺之以堅人叛降之志亦未可知然臣不敢爲之懸斷也此心爲臣部司屬雖無軍旅之寄似難責以睢陽之守較之甘心事賊者稍或有間然全軀保妻子之臣亦

聖世之所不齒也捫心自首殊少丈夫之氣亦大媿此鬚眉矣今旣歸來或繩以考功之法或加以司寇之刑在

聖明自有處分非臣部之所敢臆決也伏乞
勅下該衙門查勘議處施行臣等曷勝悚息待
命之至

崇禎三年三月初四日具

題本月初七日奉

聖旨已有旨了欽此

再查門軍浮出銀糧疏

奏爲徹臣舛錯過蒙

優容謹據實覆

奏併進支放清冊恭呈

御覽事本年二月二十七日伏蒙

發下紅本該臣奏爲遵

旨查明門軍鹽菜等事奉

聖旨卿不必引咎還着該管官據實回奏欽此欽遵

伏念臣以衰病閫汶倉卒弗察致有舛錯方且

席藁待罪屏息悚惶伏蒙

聖慈寬其斧鉞

諭臣不必引咎

浩蕩弘恩施及犬馬下情可勝感激當卽詣鴻臚寺
報名於二月二十九日赴

闕謝恩理宜遵照

明旨責令該管官據實回

奏臣又何敢贅

瀆惟是備查門軍一項平時月糧隸在臣部自問

以來初時亦未給發口糧鹽菜也逮虜騎薄城十一月下旬荷蒙

聖恩允後軍都督府成國公朱純臣疏及臣部疏

請酌給口糧鹽菜自十一月二十七日起至正月初

七日止臣部旋即題

請停罷中間不過四十日耳其口糧則在於臣部坐門司官原收各倉運到貯門米石內或五日或十日唱名一支其鹽菜則臣部坐門司官說堂臣批各庫支給銀錢亦照例十日唱名一支坐

門司官另取該門官軍領狀附卷是坐門司官於體雖云暫管於事原非專擅至於前

奏報浮出銀米之誤實係徵臣一時燈下倉卒不及致詳輕信書役磨算開報差誤所致與坐門各官無涉也臣前跪所控委係實情並無一字容隱扶捏臣萬不敢曲庇司屬欺罔

天聽負

皇上任使之恩臣尤萬不敢諉罪司屬牽扯無干重徵臣庸曠之罪謹將十六門原管司官職名并

支放銀米日期數目及原發倉庫等項備造清冊恭呈

聖覽總計實用過口糧米五千一百六十二石六斗
比正數尚少用米七石八斗實用過鹽菜銀五
千一百四十七兩二錢比正數尚少用銀二十
三兩二錢俱係各門軍事故開除之數並無虛
冒別情希惟

天鑿洞啓卽

廣寧門十日誤寫五日以致軍數倍增與

東直門城軍誤爲門軍總皆書役倥惚之誤其實未常冒出粒米分銀領狀文冊具在可覆按也臣惟有席藁待罪而已臣可任悚懼戰慄之至崇禎三年三月初六日具

奏本月初十日奉

聖旨這浮出銀糧卿旣通行稽查無他情弊知道了該管司官姑免回話書役嚴懲欽此

差主事李士元解宣大撫賞疏

題爲插會借

貢挾逼包藏禍心謹陳萬分危迫之情伏乞

勅下廷議接濟以救危疆事本年二月二十七日伏

蒙

御前發下紅本該宣大總督魏雲中題前事等因奉
聖旨據奏插酋求貢乞賞事關撫馭機宜着戶兵二
部會同該科酌議速奏欽此欽遵發下到部案查
本年正月二十七日准兵部咨爲查議插酋新

賞事開稱該本部題前事等因本年二月二十
五日奉

聖旨挿酋新賞取給折剩馬價尚有盈餘如何全無
料理泄視邊情着星速措解仍設法查催積欠預
足軍需該部知道欽此欽遵咨會到部具題開該

督臣魏雲中具題前因該臣等於本年二月二
十九日會同兵部尚書梁廷棟戶科給事中許
世璽兵科都給事中張鵬雲齊集中府會議明
妥內邊賞一項每年額該三十四萬算至崇禎

二年爲止舊欠共四十七萬臣與樞臣逐一細查兩部節次解抵過者所欠無幾祇緣內有袁崇煥借動馬價尚無歸着又樞臣算出三十四萬之內其六萬係撫夷官影射實止該二十八萬以此尚未盡一正在往返磨算惟是插酋頂領下虜三鎮市賞已有成案且夷氛孔棘需賞正愆勢似不能少待時刻臣謹先爲奏發該臣等備查宜大山西三鎮舊賞原額實係四十一萬一千兩內除進

庚辰集議
貢撫賞八萬六千兩係太僕寺額辦并都司餉廳
零賞聽各該衙門措解外惟互市馬價待輸於
臣部之年例實該三十二萬五千兩所云五十
餘萬者非也此三鎮舊督臣王象乾因互市無
二萬五千兩內先該舊督臣王象乾因互市無
馬議以折半與之應除去一十六萬二千五百
兩今又加迎風吃食新賞銀八萬九千五百餘
兩元年原用

帑金五萬兩戶兵二部共解銀五萬與之今通歸

於折馬餘銀項下則臣部年例之出爲款賞者實該二十五萬有零此新舊賞滿盤打算之確帳也目今督臣以春賞期逼疾呼臣部年例以瞻其用但值軍興孔棘帑藏懸罄無可接濟初議欲於京運民運各任其半而議者因原坐有年例之語槩欲取盈臣部雖勢不能應而諠無可諉臣又不得不直認之矣除兵部太僕寺應解進

貢撫賞銀八萬六千兩外戶部該半折馬價一十

六萬二千五百兩又加迎風新賞八萬九千五百餘兩共該銀二十五萬二千餘兩議於當年例內分作三次解發今次先發八萬兩內將宣府四萬大同三萬山西一萬俱抵年例差本部山西司主事李士元遄解陽和軍門以資經始嗣當二次找發以完臣部之局見今一面允銀一面戒行仍咨兵部給與應用勘合交付差官星速前往併乞

勅令該門卽與放行庶時日不至耽延而款貢可早

結局矣卽經具題前來相應覆

請恭候

命下臣等移文各該衙門遵奉施行

崇禎三年三月初七日具

題本月初九日奉

聖旨是這撫賞銀兩既經查明便着各該衙門速行
解發勿得分次耽延欽此

再請率屬捐貲助餉疏

奏爲敬捐微貲以助敵愾事竊照逆奴漸遁天討
方張師行糧從瓶罄疊耻每廛我

皇上宵旰之憂臣等待罪度支身親匱乏急公之義
與溺職之愆誠交惕於中而無以自釋也敢不
從諸臣後勉效涓埃以少資騰飽之需謹率廳
司各官共搜所積俸薪得銀二千七百兩聊充
軍餉雖纖塵無裨泰嶽而細流總歸滄海斯實
犬馬之微忱諒亦

睿照之弗遺也謹開坐各官姓名并銀兩數目上塵
御覽伏乞

勅下臣部送太倉庫查收施行臣等不勝悚息待
命之至

計開

戶部尚書畢

捐銀一百二十兩

倉場尚書孫

捐銀一百兩

左侍郎錢

捐銀七十兩

右侍郎曹

捐銀七十兩

右侍郎康

捐銀七十兩

司照二廳

司務師兩助 鄧承簡

照磨萬 鍊 簡較薛瑞清

以上四員每員十兩共捐銀四十

兩

十三司郎中

薛邦瑞 張朝綱 楊應震 閻顧行

董 爲 王復興 張士良 王肇生

宋 獻 成 珍 李之茂 謝肇玄

陰化陽 宋治寧 喻思慥 李任臺

以上各捐銀二十兩

鍾希顏 何朝宗 王四聰

以上各捐銀四十兩

丁流芳 周 京

以上各捐銀三十兩

以上二十一員共捐銀五百兩

十三司員外郎

黃中色

鄭抱素

笄繼良

高

鏞

吳惟誠

林一柱

宋應軫

傅國俊

王默

朱萬年

以上各捐銀十八兩

郭應響

萬國孚

林

鍾

以上各捐銀三十八兩

米世發

路來賀

以上各捐銀二十八兩

以上十五員共捐銀三百五十兩

十三司主事

林日瑞 趙建極 徐天鳳 劉漢

寶星 易孔贊 諸葛曦 王繼康

李木伐 王國祚 元之偉 傅啓光

蔣範化 李迪 夏懋學 范廷弼

王嘉言 張杲 羅應許 林玄

李縉徵 康姬鼎 邢泰吉 張堪

戴金 王忠孝 丁明登 陳振豪

趙炯 李士元 劉賜桂 姬文郁

馬禎岱

程世培

胡之竑

王珍

黃廷師

王懋學

周維新

以上各捐銀十六兩

鄭廷楫

焦觀祖

劉彝鼎

孫士髦

劉孔敬

樊維城

劉象瑤

蘇夢龍

洪周祿

韓千宜

馮世熙

雷一鳳

刁化神

陳觀陽

宋開春

戚伸

劉鎬

以上各捐銀三十六兩

林弘衍 捐銀二十六兩

荆可禎 李學禮 各捐銀五十九兩

以上五十九員共捐銀一千三百八十

兩

以上戶部堂屬各官通共捐銀二千七百

兩

崇禎三年三月初七日具 奏本月初十日奉

聖旨卿等率屬捐助具見急公銀着照數查收佐餉

該衙門知道欽此

進繳收放錢糧奏報 聖諭疏

題爲欽奉

聖諭事本月十二日臣等恭奉

欽命召至

文華門該司禮監太監宋晉等傳出

聖諭爾部職專國計一切出入開銷具有成例第念
時事方殷緩急正須預酌今後省直錢糧并輸納
等項不拘款數多寡不論帑庫交納但解送到部
一面查收卽一面開寫簡明疏冊奏呈御覽勿俟

積日連牘致難披閱其給發各邊軍需暨各衙門
文用的亦按日另疏報聞不必發抄特諭欽此欽
遵接出到部該臣等看得軍

國大計無如錢穀時事多艱調劑宜預凡所以衡
量於出入之間權宜於緩急之數者臣等黔計
已窮不覺心血爲枯而毛髮盡焦矣仰荷

聖明深知匱詘軫念倍殷茲入

命臣部將一切錢糧出入數目按日奏報查臣部從
前錢糧俱有彙奏但恐瑣碎不便

御覽今蒙

皇上責令開寫簡明疏冊無俟積日是臣之幸也今而後外解之遲速用度之多寡庫藏之虛實時時洞徹

聖鑒酌盈濟虛臣部可少追罪戾於萬一矣除從前收放細數俟另行彙奏外嗣後卽當恪遵

明命按日奏

聞所有原奉

聖諭一道理合具疏

進繳謹具題

知

崇禎三年三月十三日具

題本月十六日奉

聖旨知道了欽此

會題挿首新舊二賞疏

題爲挿首借

貢挾逼包藏禍心謹陳萬分危迫之情伏乞

勅下廷議接濟以救危疆事本年二月二十五日伏
蒙

御前發下紅本該宣大總督魏雲中題前事等因奉
聖旨據奏挿首求貢乞賞事關撫馭機宜着戶兵二
部會同該科酌議速奏欽此欽遵發下到部又准
兵部咨該兵科都給事中張鵬雲等題爲撫賞

借用當還買馬錢糧宜覈乞

勅兵部查追事奉

聖旨着兵部查核具奏欽此欽遵咨會到部該臣等
於本年二月二十九日會同兵部尚書梁廷棟
戶科給事中許世蓋兵科都給事中張鵬雲齊
集中府會議明妥續又會同戶科都給事中玄
默酌議相同該臣等看得

中國之待挿厚矣逐我款虜卜失兔而冒其山西
宣大三鎮之舊賞每年四十萬舊督臣王象乾

復增其每年新賞八萬九千餘兩俱以崇禎二
年爲始又移遼東之賞爲插首應得者每年三
十四萬實二十八萬算至崇禎二年爲止舊欠
共四十七萬立漢番合同以崇禎三年正月交
完新督臣魏雲中苦其要挾遂欲連三年見賞
盡以與之誠不能不費商確者今以山西宣大
三鎮之市賞言之原額四十一萬一千兩內出
於太僕寺者八萬六千兩名曰進貢撫賞出於
戶部之年例者三十二萬五千兩名爲互市馬

價而三十二萬之中又因插齒無馬來市督臣
王象乾議以半折與之止應一十六萬二千五
百兩再加迎風吃食新賞八萬九千五百餘兩
是待輸於戶部共二十五萬二千餘兩連太僕
寺所解撫賞八萬六千兩通共三十三萬八千
兩有奇謂五十餘萬非也今已照數認解而戶
部已差主事李士元起解八萬見在戒行矣餘
俟外解至日卽當措發以完三鎮市賞之局也
以崇禎二年以前遼鎮舊賞言之在遼鎮則該

掃首舊賞四十七萬在戶部則止欠崇禎二年
遼賞二萬五千二十五兩八錢在兵部則止欠
二年撫賞一十一萬一千八百四十八兩三錢
五分耳除戶兵二部未完舊賞俱經照數解完
外又查遼宜見存貨物內除遼鎮存貨二萬五
千兩近因道梗難運姑存不算外實存宣府段
貨六萬兩除外止淨欠銀二十七萬三千一百
二十五兩八錢五分此實欠舊賞之數也臣等
議令兩部權將三年新賞那借應用而二年所

欠舊額兩部應照二十七萬之數多寡分認戶部該發銀九萬七千六百四十二兩五錢兵部該發銀一十七萬五千四百八十三兩三錢零此部科以爲僉同而無容再計者今查戶部差官劉有聲等解過銀并劄山西布政司動支遼餉民運銀共一十二萬七千九百七十四兩二錢內除民運三萬兩該布政司以兵餉匱乏免其解發外實發過銀九萬七千九百七十四兩二錢而戶部所認舊賞之數已全完而有餘矣

其遼商馮濟民等運交撫貨三萬兩尚未抵邊
留充戶部三年見賞之用在兵部該發舊賞銀
一十七萬五千四百八十三兩零除解過四萬
兩又見在題解四萬兩兵部實處匱乏而戶兵
兩部原有同舟之誼戶部將前項遼商引貨三
萬兩內借抵兵部舊賞一萬五千兩外兵部尚
該入萬四百八十三兩有零自當照數措發以
完舊賞之局但於此更有說焉戶兵兩部每年
額發遼鎮撫賞銀三十四萬三千四百兩內戶

部該發銀一十二萬二千七百六十二兩五錢
兵部該發銀二十二萬六百三十七兩五錢去
年兩部算賞之時皆照此數及查舊督臣王象
乾實賞於西者插曹則一十八萬紗花則十萬
合之共二十八萬耳卽督臣魏雲中移咨於兵
部者亦云遼賞額二十八萬而不及三十四萬
是部出之額多於邊賞之額六萬也應請

勅督臣細加查覈如額止二十八萬則兩部見年之
賞自應扣下六萬而四十七萬之內亦應扣下

六萬以留部發之餘地蓋插首之正賞固不可少而額外之贅餘又不可濫倘督臣憫內部之匱乏極力清查使得少解六萬則兩部之爲力稍易然非臣等所敢必也至于三年見賞兩部既已那新補舊挹彼注此又欲新舊共賞一時並給則兩部之力量萬萬不能支矣况三年新賞例分春秋解發尚未逾期宜令邊臣多方講譬毋輕聽其要挾可耳既經會議妥確相應覆

請恭候

命下臣部移文各該衙門遵奉施行

崇禎三年三月十三日具

題本月十六日奉

聖旨插首舊賞兩部完欠既經派明着卽措發以完
款局新賞春秋分發該督撫預行講訖毋令併索
一時王象乾所定賞額與今數有異還着核查報
部永著爲例該衙門知道欽此

再疏投劾懇祈立賜譴斥疏

奏爲軍興黔技已窮才薄鰥官自懇謹再疏投劾
懇祈

聖明立賜譴斥以自爲

宗社大計事臣因時事多艱奉職無狀前於本年正
月二十七日奏爲司計罔裨等事奉

聖旨卿典司國計承平亦當竭力况茲虜氛未靖軍
興旁午正須大破積習實圖幹濟何得投劾自便
該部知道欽此莊誦

明綸仰見我

皇上念切虜氛憂先軍餉其所以責臣者實所以寬
臣也臣卽犬馬無知敢不俯竭綿薄仰對我
皇上宵旰至慮惟是財用一事

國家命脉蒼赤脂膏胥茲攸賴故周以冢宰制國
用漢以丞相調軍食蓋其重也本爲天下第一
大事今又爲天下第一難事是必得天下第一
流人而用之始能勝其任而無忝如臣謏劣非
其人也自奴賊發難以來迄今五閱月矣內搜

而帑藏罄懸則虞空匱外催而輪蹄絡繹則虞
騷擾臣雖刻刻不敢釋懷究竟事事不能應手
向猶刻意籌畫今伎倆已窮徒覺心血之日枯
向猶黽勉拮据今筋力已竭徒覺手足之無措
上不能追九府五幣之法阜財而奏理次不能
繼鑄山煮海之術富國而強兵蓋臣之所可殫
竭者鞠躬盡瘁之心而臣之不能增益者官天
府地之才邊兵之枵腹未已而援兵又復待哺
月糧之捉襟未已而行糧又復耻壘烽火無容

姑待不妨以額內之需供額外之求而正項將
何抵補撻伐方在殷繁急須以有備之儲應無
方之用而逝波從何取盈項臣奉

旨條議非不智盡能索終覺零星補鑿大類剗肉醫
瘡不但媿經

國之遠猷亦且慮焚林之滋議矣近見兵部職方
司郎中周夢尹有招兵正以無兵加餉正以無
餉一疏內稱戶部面請疏請加派

皇上不忍加姑遣官分催

天子聖明而計部必欲驅民爲奴爲賊又稱催餉十
一人出風霾竟日等語臣捧讀慙媿無地自容
是臣之頽齡綿力爲臣獨知所自信而臣之寡
才薄識又爲旁觀所洞晰者也古人固有不加
賦而財用足又有迴算鞭而錢流地上者臣
何敢望萬分一也方今財用委實告訕軍興委
實不敷臣旣一籌莫展四顧茫然豈容尸素而
取

國事爲嘗萬難虛糜而惟好爵是戀古稱國家閒

暇及是時明其政刑而必先之以賢在位能在
職今雖不可謂閒暇而逆奴東遁政造物者假
我以桑土綢繆之會也及今擇人而急圖已爲
後時若再妨賢而廢事嗣將何補異日匱乏滋
甚戎務決裂卽治臣以失機之罪亦何救於

宗社安危之數哉且臣閱歷中外荏苒幾四十年率
多邊鄙搶攘之地而素心拙性每事皆從實做
去銷耗旣久困憊轉深茲又加以數月之徬徨
桑榆暮景寧復如昨痰嗽每不停聲步履更多

艱難自入春月眩暈時作心神潰亂捉筆數字
輒有謬誤計此鍾鳴漏盡之年寧有幾許光陰
卽承平無事亦止足當裁况戎馬生郊敢因循
誤

國惟是虜未出境誼難乞骸此臣終不敢以病請
而惟以罪請者也方今

聖明在上者碩盈廷政不乏心計之臣可資倚毗懇
祈

皇上重念時艱急籌大計將臣

立賜罷斥仍重加譴責以爲鯨曠溺職之戒速選才
賢用充任使但使

國計有裨臣卽伏草野而膏

斧鑕有餘耳矣辰下部務方殷臣未敢晏居私寓
見今扶掖署中藥裹自將區區血誠期得請而
後已蓋原從

國家起見而非敢爲一身一家之計諒我

皇上日月照臨之下當必有以鑒此也臣無任悚息
待

命之至

崇禎三年三月十五日具

一 奏本月十八日奉

聖旨軍興浩費司計需賢卿殫力甚勞誠心幹辦一
應兵食方賴持籌何得輒有陳請該部知道欽此

關寧海運本折開洋疏

題爲海運順風開洋本折抵關有日謹遵

旨查明回

奏以慰

聖懷事本年三月初二日恭接

御前發下天津督餉部院翟鳳翀題爲恭報關寧本
折糧料事奉

聖旨這報關寧本折糧餉開洋日期知道了部發銀
數尚不止此今在何處着查明具奏運價卽速完

給該部知道欽此欽遵該臣等仰體我

皇上睠焉東顧急欲飛輓抵關以救將士之饑渴豈敢少緩時刻自取罪戾遂一面劄庫頭運運價八萬餘兩找發通完一面差官胡守訓等星馳津門查第一次十一萬開洋者曾否陸續抵關第二次所解十四萬見在何所逐一查明以便

回

奏去後續於十三日該委回京賫有督餉部院翟鳳翀天津餉道張志芳餉司樊維城各咨稟前

來內稱頭次開洋本部十一萬兵部

皇賞二萬派黃字等號船戶諸文成等裝載押運

內帑三萬者副將張斌良押運鹽課八萬者遊擊

張允昌也斌良之三萬載以兵船二十九日順

風揚帆三十日直抵關門矣允昌之八萬載以

糧船三十日與王主事同行行甫半日以逆風

復回守候二次朱大成等所解九萬二十九日

到津韓惟忠等所解五萬初一日到津俱於初

四日登舟委遊擊吳士彥押運初六日出大沽

口道臣因風汎不順見隨諸船在大沽口齋沐
跪禱督餉部臣亦復於津門禱賽等情臣等又
查先是二月三十日我

皇上因海運艱難

命臣部再發銀五萬差官孫應龍解薊聽總督設法
陸運竟以道途梗塞續准督臣咨仍令本官解
赴津門俱登舟候風間惟是茫茫大海長年三
老無所恃其巧維楫無所用其力總以風汎爲
主張風一順則瞬息千里且晚可以登岸然順

逆不常則行止難定臣因開洋久稽早夜憂愁
望眼幾穿比見一二日來風色少順妄意海艘
可以遄發而卒未敢必也適十五日津部旗鼓
中軍只啓濬等飛報內稱餉道在大沽口朝夕
祈禱餉部亦在津城祈禱果於初十日暮東風
漸息至一更卽轉西南順風三更時分頭次連
船一十八幫張允昌等連夜揚帆盡發二運吳
士彥孫應龍等本折運船共三十一隻亦於十
一日等日俱得順風次第揚帆去訖共計運去

關內外米四十八萬九千四百五十八石零豆
一萬九千七百六十二石零折色餉銀三十萬

并

皇賞二萬兩理合開報等因到部臣聞之不勝舉手
加額踴躍莫喻此皆仰賴

皇上洪福齊天是以海若效靈風伯助順一禱而卽
應也寧第關門將士可免庚癸之呼倍增敵愾
之氣而臣等遲緩之罪亦可少逭於萬一矣總
之海運遲速時日難料臣部拮据措餉隨到隨

發止可保其源源至津已耳此外非臣部所能
與也今除已發三十萬外初九日委官韓永昌
又解四萬十四日委官張應選等又解九萬是
三運又共解十三萬矣預揀船隻裝載多選官
兵防護是所望津部嚴爲督理關門互相接應
共保萬全無虞者也因奉查明具奏之

旨謹將順風開洋緣繇恭報以慰

聖懷臣無任歡忭屏營之至

崇禎三年三月十六日具

題本月十八日奉

聖旨這報關寧本折糧餉開洋抵關知道了還陸續
措發以資飽騰仍俱取實收數目具奏欽此

題議援兵行月糧餉安家器械疏

題爲援兵行月糧餉例無兼支安家器械各有分

屬乞

勅督撫諸臣分別動支以免涸淆以杜濫觴事本年
二月二十七日戶科抄出總督河道工部右侍
郎兼都察院右僉都御史李若星題爲河銀借
充兵餉河工急需無措特疏奏

開乞

勅旨直撫臣照數補還以濟河防以護

陵運事本年二月二十四日奉

聖旨這借支河工銀兩着各該撫照數補還該部知道欽此欽遵抄出到部具覆間又准鳳陽巡撫李待問咨爲遵奉

詔旨等事內稱淮南淮西官兵三千二十一員名已經先後遣發入衛其安家冬衣行糧等銀俱係借動解京正須支給訖行月二糧并戰馬草料銀兩已至三月終止自四月初一日應聽本部查數支給其月糧應否地方解給行糧應否本

部支給咨請裁示等因又准河南巡撫范景文咨爲懇請月糧以濟軍需事內稱入援官兵其行糧貴部通行支給此各鎮之所同也今據防薊各兵呈請坐糧一項自河南起行至今春盡已措四五月之餉與之矣撤回無期向後不可不爲早計不惟携來之餉有限難以接濟不絕而各路援兵事同一例又有難參差者且中州多事單匱可虞按院料理固圉已將調來各兵原缺另募補伍所設額餉已給放新兵矣此兵

坐糧又從何處措處乎合咨前去煩查坐糧一
項如各鎮入援官兵俱不復支則河南之兵不
得獨有希示以便曉諭如各鎮仍復支領則河
南亦不可獨無希隨行糧并發以慰所望各等
因到部該臣等看得逆奴犯順率土同仇撫臣
擐甲誓師不崇朝而督兵入衛凡所以厚其安
家重其芻餉總欲鼓敵懷之氣必剪滅此醜而
後朝食也如淮揚山東河南之兵其行糧皆不
取給於臣部有支至二三月終止者誼切同舟

念臣部之匱乏而先爲措處臣未始不心佩之
但三空四盡之時無米難炊有不得已而動支
正項者勢也如河南則借河工銀四萬兩在淮
揚則借河工銀二萬二千兩今總河臣欲將此
項銀兩取償臣部之新舊二餉其他省援兵如
此類者亦復不少誠恐額餉有限浩費無窮卽
罄四海以爲藏亦未易供其瓜分而蠶食此萬
萬不能者也况年來搜括殆盡地方官已束手
無策不力爲措處而第仰給於正額亦立盡之

術耳案查嘉靖三十七年該兵部題准戶部咨
爲傳奉

聖諭事該本部覆議裁省馬匹通行各該撫按衙門
逐一備查馬驢某驛若干每頭匹價銀若干查
照原額係衝要者量減十分之三不係衝要者
量減十分之五通扣減除銀兩解送戶部以充
邊儲節奉

聖旨是欽遵在案至嘉靖四十二年方始停止况今
奴踞堂與禍在腹心正百年未有之患也據臣

部去年會議驛遞扣解充餉復奉

明旨以裁省者還之民間議脩賦役全書在九月間
此時驛遞錢糧久已徵解在官欲還之民萬萬
不能徒充有司之囊橐已耳况設立專官清查
驛遞則數月來夫馬之冒濫者已革去十之七
八矣各省撫按極力查核自可抵補行糧安家
等項往事可師何獨於今不然乎且省直入援
諸兵自京城以至薊門日給鹽菜三分口糧米
一升五合此舊例也惟河南山東勛陽淮揚四

處兵馬起行之日給與行糧有多至六分卽少亦不減五分者今各省所解隨兵行糧俱支將盡方待給於臣部自應照舊例給與不得加多必不能慊其所願成例旣在是增之而無容增者也復據河南撫臣咨稱行月兼支各鎮旣有則河南不得獨無蓋爲兵丁請命其詞誠切但查舊規支行糧而不支月糧者以月糧支於本鎮也前總理馬世龍爲關寧入援兵馬請歷過四月之餉臣部其難其慎止與秦晉諸兵共發

一月而復欲通融再給一月者亦非漫無分別也蓋關寧月餉原待發于內部卽秦晉月糧亦仰給於京運於以通其窮而恤其私不過一轉手間耳或念其荷戈千里曠日持久靡室靡家不遑啓處則投醪挾纊恩溥一視亦

皇仁所不禁也至各省直原有應支之月糧兵旣遠來自應停支撫按作速解京支給臣部只發鹽菜糧米銀兩彼此接濟而軍士有不歡欣鼓舞者乎伏乞

天語申飭於省直援兵用過行糧等項卽將裁省驛
遞銀兩准作支銷抵補兵丁在省直坐糧解京
通融給散不得輕動正項一槩濶用庶撥糧備
而我武揚

國計軍需兩有賴矣既各具題并咨會前來相應
覆

請恭候

命下臣部移文各該衙門遵奉施行

崇禎三年三月十六日具

題本月十九日奉

聖旨據奏援兵安家等項就各直省驛遞節省銀兩
支用有無數目果盡符合行支月解果否確有成
例事關軍機還須酌議明悉具奏欽此

軍興繁費弘多新舊二餉分局疏

題爲軍興旁午繁費弘多新舊二餉終當分局議
從長計議以圖接濟以便責成事崇禎三年二
月十九日據邊餉司郎中王肇生呈爲九邊所
關匪輕缺額不堪掣用事頃突緣奴傲變起倉
卒奉有新舊通融之

旨誠亦圍城內一時權宜之計耳今奴已東遁矣九
邊之索餉者前後踵至無論綿亘萬里所在當
防不止薊門一隅插酋等部落狂逞不減於奴

其實新自新舊自舊如昨之不相侵也

國家每歲徵海內供賦五百餘萬原以禦奴乃
闌入遂至割舊餉以奉之查太倉所報入援兵
將廩給鹽菜犒賞熟食等銀城守官軍巡軍門
軍鹽菜料草姜椒煤炭等銀買豆運豆運草日
袋等銀五月以來共用過銀三十二萬五千有
奇假令再閱三四月而舊餉無復剩矣將置此
九邊於膜外耶萬一有庚癸之呼卽齏粉職不
足恤如封疆何查天啓元一二年所徵各處

遼兵馬亦以數十萬計當是時行糧鹽菜等項俱支銷新餉係該司顯管冊籍俱存至於京營兵馬居恒月糧米折皆雲南司顯管獨有馬草料銀領自太倉本司例得承行其行糧鹽菜等項猶之援兵例用新餉無疑耳夫以應用新者而槩用舊舊如可支抑何敢靳獨計罄舊之所入不足以供半年無名之藝忍不爲舊地叩伏乞批令兩廳十三司覆查舊案從公主持應支新者支新應支舊者支舊舊餉用過新餉若干

新餉用過舊餉若干俱照數找還庶分豁之
得顯力仔肩不至兩相侵而兩相悞也續於三
月初九日該新餉司郎中薛邦瑞呈爲軍興浩
費正額愈虧祈早議救濟之策以免推諉事加
派餉銀歲額不滿五百萬餉關寧者什七供薊
密永津河東者什三有不足者間搜別項補之
那前僱後按月支給不敢少減分毫自去冬奴
虜人犯海運不通關內外遂少數月之餉矣援
兵入衛新兵應募一切額外之費俱取足正項

矣通計五月以來援兵鹽菜城守鹽菜新兵月
餉所費不下五十餘萬如逝波之不可問矣今
姑以通薊津門鹽菜草價言之每月須費十二
萬每歲便費一百四十餘萬而城下援兵鹽菜
津薊水陸運價又須歲費三十萬此皆新增之
數時刻難緩者果天雨乎地湧乎勢必就正項
而分割之是用一分卽少一分則關寧頓缺數
月之餉無處着落卽據部科所議數款其瑣細
者究竟撫實不得止有楚中加派可四十萬然

亦未可信爲必得之物縱實得此項只可抵

都門軍興之用而薊通津門每月十數萬金出自

何項轉眼強虜鴟張驕兵虎視天大利害雖有

能手無可收拾不待智者而知之也夫城守各

鎮鹽菜舊司所費固多而京薊通津鹽菜月糧

新司所費亦夥是供應之苦兩司所同也奴漸

遠而城守可撤停支在卽奴未去而援兵難罷

糜費無了是供億之苦又新司所獨也况從前

用過者不下五十餘萬作何抵補向後應支者

必須一二百萬作何設處至於新用舊舊用新
各宜抵還者作何銷算薊州京通或留守之兵
或新募之衆專屬之新而新不能支分屬之舊
而舊不能應責之一司而獨力難肩委之二人
而措辦或易且今之薊門不減昔之關寧卽錢
糧有餘猶慮意外無米難炊束手何詞所尤鯁
鯁過慮者入孔有限出孔無窮薊門可憂而關
門尤可憂春夏可憂而秋冬尤可憂若不滿盤
打算實實落落另處一二百萬以供恢復薊門

之用祇就目前所議款項謂可相抵但恐水月
鏡花了無實用何濟緩急伏望本部主持爲

國家計長久而分任獨任猶屬第二着也各案呈
到部該臣等批行兩廳十三司公同會議間三
月初八日又據郎中王肇生呈爲新舊終須剖
分耽延愈不可支事該職前已具呈伏蒙本部
令廳司集議未見回覆惟是援兵日以踵至舊
庫供億不給重以各鎮防薊之兵見索月糧已

經題

允給發儘費撐持一切鹽菜等項委不能支如再耽旬月恐九邊之正額旁蝕無餘也激切上陳等情該臣等看得臣部

京師雜支與九邊年例原屬舊餉關寧軍興及薊密津通等處新兵援兵原屬新餉此兩司兩庫從來職掌也客冬奴賊狂逞直薄

都城羽書飛度城守戒嚴維時外解四望斷絕庫貯一時有限不得不爲新舊通融之計臣乃以京營城守九邊援兵鹽菜等項俱歸邊餉司以

關寧及各省直腹裏援兵鹽菜等項俱歸新餉
司聊爲補苴目前用救眉睫之急耳今虜騎漸
遁而外解亦通矣其京營之列戍而城守與援
兵之團練以備敵者尚通融支用如昨也遂令
舊餉捉襟露肘有岌岌難支之勢宜郎中王肇
生之控額無已也而郎中薛邦瑞懼新餉不足
以當四應亦媿媿有言今試虛心平氣而論之
昔奴在遼左固新餉事今奴踞遵永則猶然新
餉事也遽諉之邊餉司不可奴未入犯之前關

鮮薊密津通等處歲用新餉不下五百餘萬歲入加派雜項亦頗相當卽令不無拖欠亦或別有奏補客歲臣部曾以出入大數奏

聞矣京師九邊所用舊餉年來極力清汰節省尚該歲用三百八十餘萬所入京邊鹽課關稅等項歲僅二百九十餘萬卽令外解通完已虧九十餘萬况拖欠又所不免乎此臣部去年所以題請會議區處而出入大數迄今未定者也自奴入犯以來援兵四集百費繁興如折色鹽菜本色料

豆熟食煨炒水陸運價并召募新兵等項俱出
創見新舊俱置事難枚舉是新舊二餉各處其
不足之勢而舊餉尤甚獨力而撐持則新固難
支扯舊以補新則舊且立盡目今九邊待哺無
處不急宜雲挿賞方殷秦晉援師入衛各鎮督
撫靡不抗章疾呼責望於臣卽防邊薊兵近亦
議給月餉原借巡青絲絹等銀今復索補臣每
一思之不啻萬刃攢心千弩射體其如時勢艱
虞力量窘迫何哉晝夜腐心內自盡計惟有以

新還新以舊還舊在舊仍守其所入之舊額而
量以事例會議所搜羅及賦役全書所裁汰在
京各官所捐助者歸之至其所出亦惟京支九
邊之成例是循雖京營料草近有改支本色者
所費似倍曩時然有行糧遂省月糧義亦不得
辭也在新仍守其所入之新額而量以楚蜀新
餉之歸還鹽課優免之新增與省直各處之捐
助者歸之其他凡有講求一切搜括胥附麗於
其中再有不給不妨從長再計設法生節則餉

有責成而事無他諉矣其以前支用者仍須徹
底銷算一翻若新司用舊餉者卽歸還舊舊司
用新餉者仍歸還新如耕者之有畔不相踰越
此後精神顯一力營本業旣免混淆亦免爭執
斯實今日之急務也蓋新與舊原分局而營難
越俎而代盈與縮宜設身而處卽易地皆然以
兩司視之則各有畛域以臣部視之則原無隔
礙臣再四籌畫不得不爲兩下清楚之計念出
孔則必先以約略入孔而繇入孔因可據以劑

量出孔從此各有歸着各有責成舊餉卽難盡
完或可補湊十之七八以少逋於督過新餉卽
有不足亦可滿盤打算以明告之中外而仰質
之

聖明矣臣等無任惶悚隕越之至

崇禎三年三月十八日具

題本月二十一日奉

聖旨新舊兩餉查銷清楚以後仍前分管不必那借

欽此

海運道專官薊運定信地疏

題爲海運折色宜遣專官薊運本色宜定信地事

三月初二日恭接

御前發下督餉部院翟鳳紳題前事等因奉

聖旨這條奏糧運事折色繇海差官押運本色交薊
分發各信俱屬可行寧兵旣多入關月餉更當通
融算支不得取盈原額運價着速措給該部知道
欽此又該督餉御史沈猶龍題同前事奉

聖旨已有旨了該部知道欽此又准兵部咨爲楚兵

全無器械乞

嚴勅撫臣星夜督造解赴軍前以資戰守事內開運
餉一節查景泰元年虜寇大同道路梗塞戶部
請令守臣遣官一員將解到銀兩撥馬隊官軍
二百人每人馬上稍帶百兩逐程撥運至山西
都御史朱鑑收貯分發營堡此今日陸運之法
也併乞

勅下戶部轉行督撫遵奉等因奉

聖旨援兵全無器甲何名入援巡撫官平自督理何

事好生欺玩洪如鍾本該拏問姑着戴罪整辦軍
需速解具奏定奪運餉法着與戶部酌議行該部
院知道欽此又准薊遼總督張鳳翼咨爲部發糧
餉有名無實等事內稱本部發兵餉銀五萬兩
欲從陸路抵關爲照關門缺餉本部院深切痼
瘵今五萬金錢豈能越永平而飛渡別無間道
可行萬萬不能或將此銀移文津部仍繇水道
運交等因到部該臣等看得奴據北平餉道梗
塞舍康衢而與海若爭衡非得已也權宜雖出

一特立法要期可久况折色之關係尤倍於本
色而海運之奸弊更多於陸運一旦以數十萬
金委之於無籍之船戶是誨盜也恐有耽視
而垂涎者害尤甚於風濤之險矣是必揀擇堅
固船隻查覈殷實船戶多船少載每船不得過
六韜以防不虞仍各添水兵十餘名載以長鎗
利刃火器火藥到處護守再委熟識水道千把
總官一員約束兵丁隨船押運此今日之弊緊
而亦津部已行之事不妨再爲申飭者也但聞

寧之餉以三四百萬計轉輸既多用船亦夥且
運船之行必論幫次必裝米豆非大洋不能行
非順風不敢發務期持重不免有曠日持久之
虞不若沙唬等船乘風鼓棹相機轉移人力尚
有可施緩急或能相濟今後或有緊急需餉之
時糧船不繼卽用兵船但恐津舫之堅好者少
似當加意修脩以防風濤之險以備不時之用
又轉運折色者較量斤重與本色同無論糧船
兵船俱給運費以恤其勞此又不可不議者也

至領銀者有關寧委官矣押船者有津門運官
矣領兵者有水營千把總矣乃津撫注意海運
每以添設巔官爲言但臣部原無聽用將領昨
僅得原任遊擊孫應龍差往押運刻期戒行似
有急公趣事之勇而津撫亦若見謂可用者此
外則津門將領中如吳士彥胡遠高勳只啓濟
等俱屢列津撫薦剏似宜每次差委一人輪流
押運務期星速轉輸事平一體敘錄如有逗遛
不前致悞軍機卽以軍法繩之又何訶焉不特

此也又查關寧南海口覺華島設有水兵營伍
此皆熟諳海道出沒水濱者亦令揀選水兵多
撥船隻往來津門以資防護或協同津船更番
裝載是在津門餉司餉道兵道共肩其任而尤
聽命津撫以提綱領又稟成閣部以圖萬全如
是則呼吸相通聲息不斷海運折色之事思過
半矣又若援兵駐薊供億不貲陸運水運車船
絡繹輪蹄交困已不遺餘力矣或遠或近脚價
日與車夫舟子爭多寡或東或西兵馬忽因戎

馬虜情爲向背路遠力窘中道而廢咎將誰諉
况風鶴驚心委棄被擄者屢見告矣臣前題立
輜重營督撫近日始有成議方在舉行今後水
陸所運米豆總灌輸於薊至於轉運豐玉三屯
等處薊州司道多催頭畜車輛撥兵防送無爲
益資其沿海一帶如豐臺塘兒上梁城所江黃
口等處距開平豐潤爲近則當從津水運而豐
潤量撥車驢以接濟之又不必舍邇而騫遠舍
水而就陸也因時制宜有備無患豈曰小補之

哉頃者樞臣引大同守臣兵馬帶運故事入
告今日陸運接濟開門之法似無善於此者乃薊遼
督臣終以携重資而出入虜穴長慮却顧不敢
以金錢爲嘗試亦屬勝算臣又敢爲異同乎總
之陸運已不可通海運又屬危道所望津門關
薊諸臣加意料理設法防範水陸並馳用資飽
騰則濼永恢復之秋而奴孽夫亡之日也旣經
具題并容會前來相應覆

請恭候

命下內部移文各該衙門遵奉施行

崇禎三年三月十八日具

題本月二十一日奉

聖旨關勛本折轉運須有責成水陸便宜緩急防護
着餉道司臣肩任督撫還時行查催輜重管速議
回奏欽此

比例陳請復弟官爵疏

奏爲骨肉沉寃未雪

慶恩覃布無方謹哀鳴下悃比例陳情仰丐

皇仁事臣胞弟自肅濫竽遼撫兵變隕身揆厥爨端
實因缺餉維時邊吏計臣互相閤訐屢煩廷臣
會議

皇上獨持宸斷削臣弟生前官階以杜邊臣之口實
鐫侍郎王家楨名籍以明稽餉之禍胎煌煌

天語火炳日星臣愚自傷教弟無狀分當引罪復何

東坡志林
敢置喙今時日漸久公論漸明敢冒死一言

念臣弟爲

國捐軀分也而身死無名則夜臺不無飲恨爲法
受過義也而罪疑從重則肺石未免蒙冤試思
羣烏合荷戈之士積饑累月雖慈母不能有其
子在撫臣又安能有其軍嗟乎擁新餉四十餘
萬視疾呼若罔聞知署部計臣旣坐此落職矣
而說者猶謂變有別因不過郇擔之浮詞與夫
旁觀之左袒耳豈事懸兩是而法可互移乎哉

試閱餉臣錢士貴關臣王會圖及餉司王楫等
疏詳陳缺餉情狀是皆身居局內非語涉風聞
者一段公案昭然覩矣夫論必久而後定功無
微而不彰先是寧錦之役臣弟備兵寧前威名
素著後奴狡詐以款伺我臣弟憤激力阻奴使
咋指而退既受

命撫遼選將練兵不遺餘力條議九款首以絕奴款
議爲言嗣是奴騎出沒錦杏之間臣弟先期收
斂野無所掠竟不敢抵寧遠城下奴退復督主

容兵亟築錦杏二城匝月工竣藩籬以固而終
亦用是興至於安插降夷尤極苦心故殉難未
兩日而有大梁王寨之捷斬首至一百一十八
級其前鋒祖大壽與獲功夷人桑昂爾介等皆
臣弟從新之成筭也當時督師題叙巡關勦功
俱謂臣弟積勞難泯橫被宜宜兵部題覆初疏
亦在叙錄之列後廼削去近接邸報至家楨以
甘肅捷功已叙復冠帶矣夫家楨前爲甘撫後
爲計部者也司計召亂則視之撫甘者庸則復

之仰見

聖明恩威原自轉圜臣弟撫遼者也死于餉而有可
原之情勞於遼而有難泯之功同爲

王臣寧慳一視且臣亦未敢徑情乞

恩已也臣幸逢

冊立大典伏讀

恩詔循例得晉本品勲階一等錫之

誥命臣自惟度支溺職屢次投劾方凜

斧鉞之誅敢冒司勳之敘惟是臣弟茹荼賞志死

未瞑目遺孤三人俱在髻亂每家信來問臣某
期且云父職未復不敢歸骸九原臣用日夜痛
心有淚難揮竊效古人脊鴿之誼妄希

聖明惟蓋之仁願以臣應晉之階代復臣弟之官如
謂前階未足爲贖查臣前歲二品考滿蒙

恩加授太子少保萬冀

准辭官銜止存部銜以明

國家之法以贖臣弟之罪而復其官俾令枯骨
得入土臣與臣弟幽明可質生死無媿是則

皇上浩蕩之鴻慈也伏乞

俯垂矜憫慨發

俞音轉雷霆爲雨露揭離照於覆盆不直臣一家存
沒啣結無涯卽後來封疆之臣歷凶懼而任怨
勞者亦將有所觀感而興起矣臣無任悚息哀
額之至

崇禎三年三月二十六日具

奏四月初二日奉

聖旨畢自肅撫遼致變業已從輕處分卿義在體國

不必援情代請該部知道欽此

條議輜重營規制疏

題爲捷伐方張轉輸宜預謹叅求古制酌時宜以
佐軍興急務事崇禎三年二月二十二日該臣
部題前事本年二月二十四日奉

聖旨關薊兵餉呼請甚急設立兵營置買車騾着行
督撫依議措辦本部還將額餉本折一箇星速價
發毋致耽延欽此本年二月二十四日恭接

御前發下監軍御史吳阿衡題爲薊民萬分艱苦叩
乞比例以佐軍興以保危疆事等因奉

聖旨戶部昨已條議設立輜重營這所請陸運官役
車價議妥具覆勿致耽延欽此欽遵該臣等通行
督撫司道從長酌議去後三月十一日准薊遼
總督張鳳翼咨准順天巡撫許如蘭咨准薊州
餉司何朝宗手本前事內開奉本部劄付該本
司協同薊州兵備道會議得輜重二管召募徒
丁二千名則每管止兵一千爲數未多每管似
宜止用守備一員使事有專持亦省薪俸兩管
則一設於薊州貯糧之所一設於豐潤四通之

衛一切糧料以通津濟薊以薊州濟豐節節遞
運兵少則照地方應兵多則合管護送募兵照
新餉月食一兩伍錢騾頭每日支草一束料豆
三升其價值派買本部已有成議獨劄小車二
百輛欲改稍大車一百輛每車用騾三頭拽之
如遇崎嶇則舍車用騾馱送官有專而價可省
轉運捷而脫卸利似屬便計矣第大車勝於小
車恐一時難以卒辦且乏買車之費曷若權催
民間小車搬運山路崎嶇亦可扶掖而過且回

空卽省脚價此尤屬目前急着而大車徐行製
備可也守備二員旣肩護送轉輸之任必饒折
衝禦侮之才選得駐薊一員薊鎮餉司中軍守
備季國祚駐豐潤一員都司黃之瑞各稱斯職
合無令各募兵一千務收強健以襄護運之功
至於督運文吏則薊城見有管餉推官屈宜揚
事堪兼攝豐潤縣知縣胡永清才可代行似不
煩另設多員以滋冗費也等因准此除見在舉
行外相應咨覆等因到部該臣等看得軍興在

忽轉輸維艱設立輜重管伍臣部之請與監軍
御史吳阿衡疏議有不約而合符者及移會督
撫司道其說僉同而微有稍異蓋兵丁與車夫
分而爲二又易小車爲中車也夫中車雖覺省
便但過崎嶇之地陰雨之後驅駕爲難况目前
亦未易辦惟隻輪小車轉折稍便若滯碍難行
仍以騾馱更屬直捷可緩可急可進可退法無
便於此者謹再詳爲酌議臚列如左一議將領
募兵二千分爲二管每管領以謀勇守備一員

取其位卑而餉司易調度也其下再設千總四員各分管二百五十人共令募兵二千務收強健以襄運事一切訓練管兵教習器械稽查糧料喂養頭畜皆各官責任仍須精通道里險隘以便進退趨避折衝禦侮可也一議兵丁每營千人用四百名推小車二百輛以騾二百頭拽之用騾兵二百名專管喂養并護車輛如遇泥濘合力推輓以四十頭選用健丁充哨探撒撥之用再量改馬十匹以充各官騎坐仍以十頭

馱大砲二十位亦用騾兵十人擗之隨行防禦
步兵用三百五十名各持長鎗利刃三眼鎗及
弓矢之類編隊挨號魚貫而進每哨探十餘里
之外一遇有警晝則放三眼鎗夜則放起火爲
號使車兵遠聞登時團聚步步爲營互相護衛
如賊逼近則安頓大砲以擊退之可保萬全一
議兵餉騾兵步兵俱照新兵則例每名日給五
分每月一兩五錢惟車兵用力居多每名每日
量加一分騾頭料草照例支給其車兵亦照運

漕糧例每百里該銀一錢八分若一月所運價
踰一兩八錢之外不妨再增以示優勞一議車
驟小車共四百輛每車一輛連繩套約用銀二
兩五錢查天津有遼撫原買小車百輛見在務
關運糧除取用外再令薊撫津撫保撫各買小
車一百輛驟五百頭每頭鞍韉一副雙線布袋
六條約用銀一十五兩合令薊撫津撫於順天
河間地方各派買一百二十五頭保撫於真保
地方派買二百五十頭各官自買馬二十四匹前

項價值俱臣部照數分給限一月內買完解督
撫驗明轉發入管若小路崎嶇或急需糧料或
間道夜行則用騾頭馱運若事平緩用車載運
一議信地輜重二管一駐薊州一駐豐潤在薊
者更番轉運接濟豐潤在豐潤者更番轉運接
濟三屯開平等處如虜騎出沒之所除本管防
護外該地將領仍多撥兵防護以免疎虞不得
秦越相視犯者重究一議委用輜重管既立上
統理於餉司兵道下分管於薊州推官屈宜揚

與豐潤知縣胡永清其駐薊守備以餉司中軍
季國祚任之駐豐潤守備以加銜都司黃之瑞
任之悉如督撫原議此外仍有薊鎮見用陸運
委官范國靖張鳳儀二人條議陸運言多可採
亦可以充千總佐理之任通侯事平之日一體
題敘庶載運有備押運有人責成專而輸輓速
矣臣草疏將畢頃據薊州餉司何朝宗呈爲夷
賊搶擄推車人畜等事蒙薊遼總督張鳳翼批
該本職呈詳運糧車戶孔尚廉孟自安曹仲仁

等被奴賊掠人削髮搶奪驢騾等情繇蒙批削
髮車夫准給印照至慰被擄之車戶賞被劫之
驢騾仰呈部堂定奪蒙此查得兩次被掠有削
髮逃回者韓秋等十五名也被掠未回者王二
毛福等九名也先後掠去李可學曹仲仁張學
智等馬騾共計一百五十九匹頭已回車夫哀
討騾馬之價值未回車夫家屬討命哭訴呈請
裁示等因到部爲照子道之車夫藉此推運爲
活計乃被賊掠其人而奪其畜將何以堪合無

軫念貧民

勅令督撫將被掠未回之家屬量加撫字每名給銀
二兩被掠之騾畜查果情真量賞半值卽以餉
銀支銷庶廣

皇上如傷之仁用鼓庶民于來之義矣既經具題查
覆并咨呈前來相應覆

請恭候

命下臣部移文各該衙門遵奉施行

崇禎三年三月二十六日具

題四月初一日奉

聖旨這設輜重營各款既經議妥卽與飭行還須事
可越險兵堪禦侮雨澤露宿作何安頓着該督撫
悉心料理前軍戶被擄人畜酌量給恤欽此

欽奉 聖諭恭報錢糧疏

題爲欽奉

聖諭恭報收放錢糧事崇禎三年三月二十一日該
臣部題前事等因奉

聖旨有旨着總結簡明何不遵依前報內有寄庫一
項今又不知何在如此開筭殊欠明悉該司官姑
不究以後除造冊外仍將收放總數載在疏中以
便查覽五日畢卽奏不得延緩欽此臣等恭捧

綸音仰見我

皇上宵旰之心甚殷披覽之法欲簡是必於開筭之
中寓扼要之術列款於前結總於後一經

睿覽便自爽豁方可以當簡明明悉之

勅旨乃臣等迂拙不諳諺謂有總勢不能無撒太簡
或嫌於未明如新庫猶止軍餉一項耳若太倉
庫則有京邊有漕折有輕賫等項而支放之款
項更爲繁瑣竊恐少有滲漏便覺含糊於是以
慎重之心而反成其模糊之罪

皇上寬司官實所以寬臣等臣等知罪矣如謂有

旨而敢不遵依則臣等法該萬死倘非病狂喪心寧
敢肩越而蹈萬死之誅哉至寄庫一項節因解
官賠累稱苦筦庫爪李堪嫌該臣部議將各地
方解到銀兩着令與邊鎮委官眼同兌文業經

題奉

欽依遵行在卷如解官到而委官未到只得暫行寄
庫俟委官一到即便查數截支內有一日放數
即可罄數日之寄庫者又有一項寄庫可支數
次而尚未報完者是後次之新收即前次之寄

庫更不得於兩下開銷也此後但於新收項下
註係前報寄庫字樣則此件即可明悉矣又如
農桑一項係

內供急需從來該貯老庫候支向因軍興那借近
始補還故亦稱另項寄庫迨一入老庫後此項
不必再開以後但令於報冊中細註除農桑銀
已入老庫不開外字樣則此項亦可明悉矣又
如巡青一項同在太倉之中而另有京糧庫之
名該監督雖得與聞原不經手則臣部又不敢

越俎而代爲造報者也今奉

明旨切責嗣後但係

奏報除造冊外遵將收放總數載在疏中以便

皇上查覽若五日一奏之例雖

欽限已有定期而事勢未能猝辦謹再冒死一披陳
之查得軍餉關係甚重收放時刻難遲如本一

日也而日午之收除與日入之收除其多寡便

異卽五日畢期矣仍必日入庫局方有成數該

管庫司官勢必窮終夜之力始獲成冊及至次

日呈部已是六日臣等不敢遽信仍須督率書
胥逐項磨筭方敢登

御覽冊入

告而具稿繕寫又不免日晷耽延是報期額限五日
而再加以磨勘寫筭之工夫又幾兩越宿矣若
不乞

恩寬假則稽緩之罪臣等又何以當之頭緒繁雜
天威凜烈臣等千思萬想不得不據實披瀝於

君父之前除前項冊籍欽遵改造另呈外可勝悚慄

待

命之至

崇禎三年三月二十七日具

題四月初一日奉

聖旨錢糧款項固繁冊須簡明便覽以後如議註造
仍五日一行扣算不得遲延欽此

查明鹽課數目回奏疏

奏爲遵

旨查明鹽課數目謹據實回

奏仰祈

聖鑒事崇禎三年三月二十四日戶科抄出該臣部覆兵部題爲剪鋤惡黨以靖地方事本月二十三日奉

聖旨知道了疏內鹽課數目與貼黃不對着查明另奏欽此欽遵抄出到部臣等捧讀再四跼踖無地

隨查原發鹽課數目實係二萬兩臣原疏內開
先於二月十四日分發鹽課銀二萬兩差委官
王孟祥黃猷押往本鎮去訖及查貼黃止開鹽
課銀一萬兩緣貼黃草稿將二字書作二字而
墨水浸淫遂致筆畫連帶承行書役薛敬未經
查對明白遂悞寫作一字致令多寡懸殊而奏
疏與貼黃互異此當日錯誤之繇實臣部疎略
之罪也除將該役痛加責治外謹據實回

奏仍率屬席藁以待

命恭候

天繾萬不敢以么麼胥役已行懲戒而遂塞責卸過
為也臣等可任屏息戰慄之至

崇禎三年三月二十八日具

奏四月初三日奉

聖旨事關錢糧豈可登奏數目不一確查這所奏知
道了卿不必引咎責役着行重懲該司官姑不究
以後還宜詳慎該部知道欽此